

Strategiplan 2025 – 2030



Foto: Sverre Hjørnevik

Kva er Sogn friluftsråd?

Sogn Friluftsråd er friluftsrådet som held til inst i Sognefjorden. Fjorden bind saman våre medlemskommunar Vik, Sogndal, Aurland, Lærdal, Årdal og Luster. Vi skal vi arbeide for eit attraktivt og tilgjengeleg friluftsliv i Sogn. Saman med kommunane og frivillige organisasjonar skal vi arbeide for at våre innbyggjarar får oppleve livsvarig friluftsglede, heile året!

Føremålet med planen

Føremålet med strategiplan 2025 – 2030 er å definere retninga for korleis Sogn friluftsråd skal bidra til å utvikle og fremje friluftslivet i regionen Sogn dei neste åra. Friluftsrådet er ein organisasjon som må evne til å snu seg rundt og gripe nye moglegheiter. Strategiplanen er difor bevisst formulert relativt open, nettopp for å ta i vare fleksibiliteten og gjennomføringsevna til friluftsrådet.

Strategiske satsingsområde 2025 - 2030

1. Tilgjengelege friluftslivsområde og turstiar

- **Tilrettelegging for nærturar:** Skape lett tilgjengelege turmoglegheiter nær tettstadane med god merking og informasjon.
- **God og trygg tilgang naturen:** Sørge for at populære og sentrumsnære friluftslivsområde er tilgjengeleg for alle. Dette inkludera badeplassar, tilkomst til fjord og elv, samt tilrettelagt utfartsparkering.
- **Møteplassar i naturen:** Tilrettelegge for menneskemøter i naturen. Utvikle friluftslivsområde med møteplassar, som t.d. gapahukar, bålplassar, benkar og liknande.

2. Styrkja folkehelse og inkludering gjennom friluftsliv

- **Friluftaktivitet for born og unge:** Auke bruken av naturen som læringsarena. Stimulere til utandørs- og aktivitetsbasert læring i skular og barnehagar. Arrangere lågterskel aktivitetstilbod i feriar.
- **Frivillig engasjement:** Koordinere og støtte frivillige grupper, etablere plattformer for kunnskapsdeling, og bidra til utvikling av lokale initiativ.
- **Samarbeid med helse- og sosialektoren:** Fokuserer på korleis friluftsliv kan nyttast til å fremje fysisk- og psykisk velvære, med tilrettelagte aktivitetar.

3. Fjordnært og fjordbasert friluftsliv

- **Tilgang til fjord:** Sikre allmenta tilgang til strandlinje og andre fjordnære område, også i framtida.
- **Fjordaktivitet:** Legge til rette for meir aktivitet og ferdsle på og ved fjorden.
- **Rein fjord:** Støtte opp om initiativ for å rydde Sognefjorden, stimulere til frivillig rydding og skape engasjement for fjorden vår.

4. Berekraftig utvikling av friluftslivet i Sogn

- **Sikre friluftslivsinteresser:** Sikre at friluftslivsutviklinga skjer i tråd med berekraftige prinsipp. Bidra til at våre friluftslivsverdiar blir bevart for komande generasjonar.
- **Berekraftig tilrettelegging:** Tilrettelegging for friluftsliv må gjerast på måtar som ikkje skadar eller forringar naturverdiane.
- **Samarbeid med grunneigarar:** Dialog og samarbeid med private og offentlege grunneigarar for å sikre opne og tilgjengelege friluftslivsområde.

5. Informasjon og synlegging

- **Nettside:** Ha ei oppdatert og informativ nettside som gir detaljar om friluftslivsområde, aktivitetar, arrangement og ulike prosjekt.
- **Sosiale medium:** Bruke sosiale medium som informasjonskanal og til å dele inspirerende bilete, videoar og historier som løftar friluftslivet.
- **Digitale kart:** Bidra til å utvikle og støtte digitale turkart som gir brukarar informasjon om stiar, friluftslivsområde og praktiske detaljar om fasilitetar og tilkomst.
- **Eksterne kanalar:** Vere synleg i lokal presse, kommunane sine informasjonskanalar og hjå andre samarbeidspartnarar.

Oppsummering

Strategiplanen for Sogn Friluftsråd 2025–2030 skal fokusere på å gjere naturen meir tilgjengeleg for fleire, og å styrke folkehelsa gjennom friluftsliv. Planen legg stor vekt på samarbeid, både med kommunane, frivillige og andre aktørar. Friluftsliv nære tettstadane og ved fjorden vil ha høg prioritet. Gjennom tilrettelegging, informasjon, aktivitetar og arrangement skal vi bidra til å skape ei heilskapleg og inkluderande friluftslivssatsing i heile Sogn!



Foto: Sverre Hjørnevik